

centar" Sarajevo, čija imenovanja vrši Vlada Kantona Sarajevo ("Službene novine Kantona Sarajevo", broj 44/14), Vlada Kantona Sarajevo, na 28. sjednici održanoj 23.07.2020. godine, donijela je

**ODLUKU
O IMENOVANJU KOMISIJE ZA IZBOR
PREDSJEDNIKA I ČLANOVA UPRAVNOG ODBORA
JAVNE USTANOVE "STUDENTSKI CENTAR"
SARAJEVO**

I

U Komisiju za izbor predsjednika i članova Upravnog odbora Javne ustanove "Studentski centar" Sarajevo (u dalnjem tekstu: Komisija) imenuju se:

1. Adisa Hota, predsjednica
2. Abid Fejzić, član
3. Azemina Njuhović, članica
4. Maja Skopljak, članica
5. Lamija Selman, članica.

II

Zadatak Komisije je da, u skladu sa odredbama Odluke o kriterijima za izbor i imenovanje članova Upravnog i Nadzornog odbora JU "Studentski centar" Sarajevo, čija imenovanja vrši Vlada Kantona Sarajevo, pregleda i utvrdi formalno-pravnu urednost pristiglih prijava (blagovremenost, urednost i potpunost), provede intervju sa kandidatima koji ispunjavaju formalne uslove objavljenog Javnog oglasa, sačini rang-listu kandidata čije su prijave ocijenjene formalno-pravno urednim, te da provede druge potrebene radnje po Javnom oglasu koji je objavilo Ministarstvo za obrazovanje, nauku i mlade Kantona Sarajevo (u dalnjem tekstu: Ministarstvo) u dnevnom listu "Oslobodenje" i internet stranici Ministarstva dana 05.06.2020. godine i u "Službenim novinama Federacije BiH" - Oglasni dio, broj 37 od 10.06.2020. godine.

III

Komisija će zadatak iz tačke II ove Odluke obaviti najkasnije u roku od 45 dana od dana održavanja prvog sastanka Komisije i izvještaj o radu sa rang-listom kandidata dostaviti ministru za obrazovanje, nauku i mlade.

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-26253-31/20

23. jula 2020. godine
Sarajevo

Premijer
Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. stav (1) Zakona o poticaju razvoja male privrede ("Službene novine Kantona Sarajevo", broj 29/15), Vlada Kantona Sarajevo, na 28. sjednici održanoj 23.07.2020. godine, donijela je

ODLUKU**I**

Donosi se Program razvoja male privrede za period 2020. - 2023. godina, koji je sastavni dio ove Odluke.

II

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-26253-37/20

23. jula 2020. godine
Sarajevo

Premijer
Mario Nenadić, s. r.

**PROGRAM RAZVOJA MALE PRIVREDE
ZA PERIOD 2020. - 2023. GODINA**

Nosilac izrade:
Ministarstvo privrede
Sarajevo, jula 2020. godine

UVODNE NAPOMENE

Stvaranje uvjeta za razvoj malog i srednjeg poduzetništva zahtijeva uskladenu politiku kojom se obuhvaćaju aktivnosti različitih područja od obrazovanja i nauke, uklanjanja administrativnih prepreka i prevelikog broja propisa, do jačanja institucija poduzetništva, poslovne infrastrukture i regionalnog razvoja. Sveobuhvatan zakonski, strateški i institucionalni pristup razvoju malog i srednjeg poduzetništva prepostavke su jačanja konkurenčne sposobnosti privrede. Stoga se poticanje razvoja malog i srednjeg poduzetništva provodi kontinuirano, uz uvođenje standarda EU kroz primjenu zakonodavstva i poticaja. Jačanjem poduzetništva doprinosi se povećanju zaposlenosti, učinkovitosti socijalne sigurnosti, poticanju domaće proizvodnje, izvoza i stvaranju povoljne preduzetničke klime, te se ostvaruju smjernice o razvoju male privrede kao generatoru razvoja.

U skladu sa članom 10. Zakona o poticaju razvoja male privrede ("Službene novine Kantona Sarajevo", broj 29/15), Ministarstvo privrede Kantona Sarajevo je pripremilo Prijedlog Programa razvoja male privrede za period 2020. - 2023. godina. Ovaj Program je ugrađen u skladu sa navedenim Zakonom i pravilima struke, a temeljem privrednih kretanja sa projekcijom njihovog poboljšanja u potrebnim i mogućim segmentima. Programom se utvrđuju: smjernice razvoja, poticajne mјere, aktivnosti provođenja, izvori sredstava, metodologija i evalvacija provođenja pojedinih mјera. Program razvoja obuhvata instrumente za provođenje strateških ciljeva na način da definiše programe/projekte koji će se provoditi u narednom periodu. U skladu sa navedenim Zakonom, za provedbu ciljeva ovog Programa Ministarstvo privrede Kantona Sarajevo za svaku odnosnu godinu priprema Godišnji plan s razrađenim programima, aktivnostima, kriterijima za dodjelu poticaja, rokovima izvršenja i planiranim iznosima sredstava u budžetu.

Evropska unija je poduzetništvo, zajedno sa inovacijama, postavila kao prioritete ciljeve unutar Lisabonske deklaracije iz 2000. godine. Iz tih ciljeva su proizašle i politike koje potiču nastajanje i opstanak malih i srednjih poduzetnika, a među njima je i Evropska povelja o malim preduzećima. Ostvarenje ciljeva zacrtanih u ovoj Povelji i njihova implementacija predstavlja strateški zadatak Bosne i Hercegovine na putu pridruživanja Evropskoj uniji. Program razvoja male privrede u Kantonu Sarajevo prvenstveno analizira stanje malog i srednjeg poduzetništva u Kantonu Sarajevo. Na osnovu ocjene stanja u Kantonu, nastojale su se prepoznati potrebe male privrede i mogućnosti da se na te potrebe odgovori unutar institucionalnog i zakonodavnog okvira u kojem taj segment djeluje, te utvrde ciljevi koji se žele postići u narednom četverogodišnjem periodu.

EKONOMSKA KRETANJA U OKRUŽENJU

Podaci Agencije za statistiku BiH govore da je Bosna i Hercegovina u 2019. godina ostvarila ekonomski rast od oko 2,6% u odnosu na prethodnu godinu. Evidentno je, dakle, značajno usporavanje ekonomskog rasta u u odnosu na nekoliko prethodnih godina (preko 0,5 p.p.). Glavno uporište ostvarenog ekonomskog rasta tokom ovog perioda predstavljala je domaća tražnja kroz povećanje finalne potrošnje i u manjoj mjeri investicija. Povećanje privatne potrošnje rezultat je povećanja broja zaposlenih i penzionera, kao i njihovih primanja, te novčanih priliva iz inostranstva koji su doveli i do povećanja raspoloživog dohotka građana. Vanjski sektor odnosno neto izvoz uslijed pada izvoza i povećanja uvoza je imao negativan